



FLØ FERIESENTER AS

Flø

6065 ULSTEINVIK

Saksbehandlar, innvalstelefon

Ola Betten, 71 25 84 76

Dispensasjon for ferdsel på Grasøyane, Ulstein

Flø Feriesenter får dispensasjon etter naturmangfaldlova § 48 for besøk av turistar på fyret på Grasøya. Løyvet gjeld i perioden 10.07 – 15.08, i åra 2022-2024. Løyvet er noko innskrenka i høve til søknad og tidlegare løyve.

Vi viser til løyve av 15.11.2018 for besøk av turistar på Grasøya fyr. Flø Feriesenter AS søker i brev av 16.08.2021 om å forlenge denne i åra 2022-2026. Søknaden gjeld å kunne arrangere dagsturar til fyret på Grasøya for turistar i delar av perioden med ferdselsforbod. Det er tenkt å ta med grupper på inntil 12 personar. Besøka tek 2-3 timar, og det er tenkt inntil 4 besøk pr. veke. På besøka vert det orientert om Grasøya, fyrstasjonen og den tidlegare drifta av denne. Vidare vert det orientert om fugle- og dyrelivet.

Grasøyane ligg i Runde fuglefredingsområde. Formålet med fredinga er å ta vare på eit rikt og interessant fugleliv og fuglane sitt livsmiljø, særleg med omsyn til sjøfuglkoloniane. Av omsyn til fuglelivet er det forbod mot all ferdsel innafor områda, og mot ilandstiging frå båt i tida 15. april til 15. august for Grasøyane, jf. verneforskrifta pkt IV, d. I denne tida er det og forbode på nokon måte å skremme ut fuglane ved hjelp av skot, blåsing i skipsfløyter og liknande.

Denne søknaden må behandlast som ein dispensasjon etter naturmangfaldlova § 48. Dei miljørettslege prinsippa i §§ 8-12 i naturmangfaldlova (NML) skal leggjast til grunn som retningslinjer ved offentleg myndigheitsutøving, jf. § 7.

Hekkebestandane på Grasøyane er stormåsar som svartbak og gråmåse, ternar, teist, ærfugl, grågås og tjeld. Fyret er viktig for fuglelivet. Fugleartane på Grasøyane har hatt ein stor tilbakegang dei siste ti-åra (Alv Ottar Folkestad, NOF, pers.medd.). Forstyrking frå turistar kan gå ut over produksjonen av ungar. Vi har difor utsett starten til 10. juli ut frå kunnskap om dei ulike artane. Vi ser på kunnskapsgrunnlaget som usikkert, jf. naturmangfaldlova § 8. Vi ser ikkje på løyvet som så omfattande at det påverkar heile økosystemet eller nettverket av sjøfuglverneområda, og vilkåra er ei tilstrekkeleg tilpassing.



Ut frå føre-var prinsippet har vi har gjeve dispensasjonen ei varigheit på berre 3 år for å kunne revurdere saka ved ei evt. seinare forlenging. I denne perioden vil vi overvake hekkebestandane for å få eit betre kunnskapsgrunnlag. Vi har også utsett oppstarten med 10 dagar for å ta omsyn til ein sårbar art.

Statsforvaltaren vurderer ein avgrensa ferdsel i dei robuste delane av Grasøya etter og på slutten av hekkesesongen til ikkje å påverke verneverdiane nemneverdig.

Vedtak:

Flø Feriesenter AS får dispensasjon frå ferdselsforbodet for organiserte turar til Grasøyane fyr, jf. naturmangfaldlova § 48. Det vert sett følgjande vilkår for dispensasjonen:

- 1) Løyvet gjeld frå 2022 til 2024.
- 2) Løyvet for ferdsel på land gjeld i perioden 10. juli – 15. august. Dette gjeld inntil 4 besøk pr. veke med inntil 12 personar kvart pluss guide. Ferdsel etter denne perioden er ikkje forbode.
- 3) Ferdselen skal skje etter kai og sti opp til fyrområdet. Folk kan opphalde seg på nordvestlege delen av Grasøya dersom det ikkje er registrert hekkande fugl der. Flø Feriesenter skal informere om ferdselsforbodet og sjå til at dette vert halde. Evt. brot på dette frå gruppa eller uvedkommande, skal varslast til Statens naturoppsyn omgåande.
- 4) Flø Feriesenter AS skal førelogg over besøka på Grasøyane, og denne skal sendast Statsforvaltaren årleg innan 20. desember.
- 5) Dersom det oppstår vesentlege endringar i hekkemønsteret for artane som det må takast omsyn til, kan det innførast nye avbøtande tiltak.

Dette vedtaket kan påklagast til Miljødirektoratet innan 3 veker i samsvar med forvaltningslova. Ei eventuell klage skal opplyse om kva for endringar man ønskjer i vedtaket, og skal sendast til Statsforvaltaren i Møre og Romsdal.

Med helsing

Linda Aaram (e.f.)
direktør

Ola Betten
prosjektleder

Dokumentet er elektronisk godkjent

Kopi til:

ULSTEIN KOMMUNE

Postboks 143

6067

ULSTEINVIK



Figur 1 Tilkomst til fyret (gul strek) og sone (gul) der det vert gjeve dispensasjon for opphald av turistar.